

Ekikeek Ida Obolo Eyi Nsabon

Nsabon, eji mîtop enyi amon. Eji mîriõõn ibe uraafioõn òkitaka enyi enenen. Ìkare uraafioõn inorie. Îre uraafioõn ikpa..Ekifuk ikpa isa isuuk uraafioõn ikpa. Ire kpunu ikpa ifufuk, uraafioõn ya ikposuuk .

Eya orõ Ida Obolo Eyi Nsabon, ege inyi enyi nsabon ebi uraafioõn ikpa okitaka. Ìfuk inyi uraafioõn kinyi ifo. Ire, uraafioõn môkpok inu. Kpekirie chieen inorie ge egwe geelek, ikakitop. Ikeya si, ikifuk ikpa ge gaaleek, ikpotop. Eji ekiweek owuwa ikpa mêkifuk isa ikisiki uraafioõn ikpa.

Îre nsabon ogbo kinyi ege inu òkup me emen ikpa yi. Ema ìre ebi ìkwekween ubok ekige mè ikifuk Obolo. Mgbõ keyi, ema mîkana ugane. Îre me acha obop mè efit onaañge mè akop onaañge mè ge (1991) ke ege ikpa yi. Ekpokpo igon isibi inyi enyi nsabon mgbõ keyi. Ìfuk mè ìge inu echi kinyi ijek eji inyi mēsa igon aya Ida Obolo Eyi Nsabon me ofifi acha .

*Eji mîtap aya ifuk usem Obolo me emen ikpa keyi.
Ìfuk mè ikweeñ aya ifuk si inyi enyi eriḡḡñ.
Eji ekibeek ebi ene ibe etap ubok enyi nsabon ege
urok mè esese inu echi ema ebekot ige eria ejjet eji.*

*Awaji igbana enyi nsabon kiji.
Ida Obolo Eyi Nsabon*

Inu Òkup Me Emen Ikpa Yi:

Isi Ikpa

1.Ekiket Ida Obolo Eyi Nsabon.....	1
2. Inu òkup me emen ikpa yi.....	2
3. Ifuk-ibot Înan Ogwu Uboon.....	3
4.Unye-ibot melek Ikan.....	5
5. Inu Ogbegbe Iroror.....	6
6. Nsabon Uwu Ikpa.....	7
7. Ebi Ijejeen mè Nsabon Uwu Ikpa.....	8
8. Ukot Mbom ogwu Obolo.....	9
9. Ataisi, Ogwu Akon.....	10
10.Kween Ubok Ekitet Iriin.....	12
11.Erieen Usem Obolo.....	13
12.Ifrit Alom.....	14
13.Eji Efit Ifit I	16
14.Etim Ngwan Iba.....	17
15.Ebek Ile.....	18
16.Ofia ikakinyi Ene Gwun.....	19
17. Egbe ikaan Nwa.....	21

<i>18.Ifuk.....</i>	<i>23</i>
<i>19.Eji Efit Ifit II.....</i>	<i>24</i>

Ifuk-Ibot Înan Ogwu Uboḡñ

Sakpii! Yḡḡ!

Îkaañ ogwu uboḡñ ge òluk me ama ge. Ogwu uboḡñ ya îriḡḡñ inu enenen. Inenibe, ire ikaan ogwu òrḡriḡḡñ inu kubḡk kañ ke ḡḡḡ mōche ama kañ mè inu kañ isa inyi ene ya. Îkaañ gwuñ ge obebe ke erieeñ kañ ìre Ifuk-Ibot Înan Ogwu Uboḡñ. Erieeñ ya onenitaañ ire utḡñ ogwu uboḡñ. Ogwu uboḡñ ya onenibe mè ebi usuñ kañ esi egwen gwuñ ya ejet ḡḡḡ. Ebi usuñ kañ esisi igwen gwuñ ya ijet. Ogwu uboḡñ onenibe mè gwuñ ya inisḡḡ ḡḡḡ ijeek. Gwuñ ya onenibe mè ogwu uboḡñ ya itele inyi ḡḡḡ isi uwu, mè inu. Gwuñ ya onenisi uwu, mè isa ikḡḡ, mè arañ, mè akpa inu, mè ibe ogwu uboḡñ ya, ire ḡḡḡ isikisḡḡ ogwu ijeek, mè ogwu ikitaka akpa ya. Gwuñ ya okekisḡḡ ogwu uboḡñ ya ijeek.

Gwuñ ya iyayaka isḡḡ ogwu uboḡñ ya ijeek isaña, ogwu uboḡñ otataka akpa ya isaña. Ogwu uboḡñ

obebe mè gwuñ ya inyi ọmọ ijeek kañ. Gwuñ ya obebe, mè ogwu uboḡñ inyi ọmọ si ikḡt, mè arañ, mè akpa kañ. Eya oraraka.

Ogwu uboḡñ ya si obebe mè gwuñ ya ibḡḡ orie ebot isiboḡk mè iman gwuñ. Gwuñ ya osasa ebot ya ifo. Me mgbo irebe uwu, inenifuk ifuk-ibot, ifuk, ifuk, ifuk, mè inifuk itet. Gwuñ ya onenimoḡo mkpukput oge, mè isa isi uduñ uwu ogwu uboḡñ ya, mè ikisa ikep uti. Ogwu uboḡñ onḡḡ, mè inaña isibi inikigana ibe, “Ìre ekene okikep inu me uduñ uwu ña?” Gwuñ ya obebe ke ire ọmọ, Ifuk-Ibot Ìnan Ogwu Uboḡñ okikep. Ogwu uboḡñ onenido ibe, mè ìre ìbosa inu ogwu okikep ya irḡ keke ye. Gwuñ ya obebe ke nte kañ oman gwuñ, ke ọmọ onikep iye ibosa isisḡk ukañ inyi. Ogwu uboḡñ ododo ibe, mè ìre ebirieeñ ekekiman gwuñ ye? Gwuñ ya obebe,

Akama A Igbemi.

Unye-Ibot Melek Ikan

Sakpii! Yọọ!

Îkaań ogwu ubọọń ge ekigwen Ubulom. Ọmọ
ìkakikań ataaak me lek ikọ kań geelek ikitumu. Usen
ge, ogwu ubọọń yi onenimuń ene iba ekitim etim, mè
itet ema isańa isa ifo uwu kań.

Oyerebet oniniń. Ogwu ubọọń ofefieek oyerebet ibe
ke ikọ ìfieek ogwu ekigwen Une, mè ìnwọn ogwu
ekigwen Esuuk. Ogwu ubọọń Ubulom obebe mè Une
ikpe iko miiń iba, mè Esuuk ikpe iko miiń ge. Une

obebe ke ọmọ ìkachieek oyerebet ya, ke ọmọ kpôkpe miiñ geege mije ke oyerebet ìkafieek ọmọ. Ogwu ubọọñ onanaañ ejit, mè itet Une isi itap me uwu mkpọn. Une okukup me mkpọn acha ita.

Acha ita isoso, Une okaka mkpọn. Ìkafiiñ usen, Une oyayaka irọñ ofifi ikan. Ekpọkpọk itet inu me isi ebi oyerebet. Eyi mgbo keyi, ebi oyerebet efefieek ibe, ekatap Une me mkpọn; ke ebekpakpañ, mije ke ogwu ìre ijo ene. Ikeya ke etet Une ikpañ.

Naña me lek keyi, otutuuk ene ebi ìluk me ama ya kpeyaka irọ ijo inu, mè ikinye ibot si me lek ikọ geelek ogwu ubọọñ Ubulom mè ebi oyerebet ekitumu inyi ema.

Sakpii! Yọọ!

Urọk sak mgbidim mè nyi emi ujoñọ.

Gogo Gam Alick.

Inu Ogbegbe Irọrọ



Awaji ore adasi ogwu
ororom inu geelek mè
irom si ene. Awaji ore
ogwu òkaań ibot
ugwem n̄a. Eya orọ,
îgbe ibe emi ñriaak
Awaji.

Îgbe ibe ene iriaak
Awaji. Ìkagbe ibe ene
iriaak yọk, nańa me lek,
Îgbe ibe nsabon esi uwu
ikpa mije, ire owu osi
uwu ikpa ya mè imin,
owu môsa irek ikpa ya
itap ubok inyi nga
kwuń mè nte kwuń.
Eya orọ nkisi uwu ikpa,

inyi me mgbo òkinu me
isi, mâkot itap ubok
inyi nga n̄a mè nte n̄a,
mije, nga n̄a mè nte n̄a
ekiweek otu urie n̄a.
Ikpa si môtap ubok inyi

emi me otutuuk ugwem
ña.

*Benjamin Jonathan
Okpojo*

Nsabon Uwu Ikpa

Nsabon uwu ikpa ere nsabon ikiriõõn inu bene me uwu kibañ sa sibi oyet. Nsabon uwu ikpa ekilibi nga kibañ melek nte kibañ. Iria ema ikwaañ geelek, ema ekisisi. Usen geelek orere usen ekisi uwu ikpa, ema mîra inaña ikeke me ilaak me ata mgbo, mè èsi mudim, mè èchan ijoñ, mè ètaka agok, mè ètop ebi uwu kibañ amon, sabum ema mênisi iken muñ mè èje uwu ikpa.

Nsabon uwu ikpa ekije esese me lek ebi ekasige uwu ikpa. Ema isika uwu ikpa, mîra irie inu. Isirie isaña kpai, ema mîra ikup me uwu ikifuk ikpa kibañ. Ema

isifuk isaña, mîra isibi oyet isi ifit ifit. Isifit isaña, ema mîra inu me uwu mè ènerie inorie ikakwuñ, mè èlaak.

Mgbọ geelek osibe uwu ikpa, owu mîriọọñ isi ebi ene iwa me esese ama, mè irọ ata inu me emen ama Obolo. Me mgbọ ya owuwa ene mîriọọñ owu isi mè iriọọñ ama kwuñ mè ido kwuñ.

Sampson Nkwak Adobi

Ebi Ijejeñ Mè Nsabon Uwu Ikpa

Ebi ìkijeeñ nsabon inu ekup kubok ute mè uga isa inyi nsabon uwu ikpa. Gwuñ geelek òkisi uwu ikpa mè ikigbañ uton inyi ema, mè isiki lek, gwuñ keya

mîriọọñ inu mè ikaañ ata ifuk-ibot.

Owuwa nsabon uwu ikpa owa ebi kpekiriọọñ inu ema ekisi ikweeñ, inaña me lek unye-ibot,

mè ubenelek kibañ.
Òjeelek nsabon ìkup
ikeya ke ekibe ke
mibubut. Gwuñ geelek
osisiki lek kañ okibokọ
ugbana. Ikeya ke gwuñ
geelek òkibene lek mè
ikinye ibot okibokọ
ifieek-otu.

Ikeyi si, ogwu ijejeen
geelek òkisa lek kañ irọ
inu esip ikibokọ si esip.
Nsabon uwu ikpa
kpekilibi si omọ. Eya
orọ enyi ebi ijejeen
ìriọon ikijeen inyi ebi
ekikwekween mêtioon
inu si mè ikinyi enyi
ulibi.

Ukot Mbom Ogwu Obolo



Ogwu Obolo
îkaañ ukot mbom
iwa. Ire ogwu
Obolo ikasi,
ikpoborie. Itata
isisi sabum òrie.

Ukot mbom ogwu Obolo ire echi:

Usini ene ekiteeñ ntutut, usini ene ekitop njin.
Usini ene ekibom ukpuuk. Usini ene ekitet uka.
Usini ene ekikwoḳo uriooñ. Usini ene ekirḳoḳo
abakambuk.

Ogwu Obolo îkaañ ogbogbo ukot mbom. Ire
ikasi ere geege, ire ibokup me uwu, ogwu
Obolo si îkaañ inu ibokot irḳo me uwu. Usini ebi
Obolo ekichim oga, usini ene ekinwun akasi,
usini ene ekinama njin, usini ene ekilḳo enwen,
mè onyima, usini ene ekikḳo isi yḳo, mè urañ,
mè uti eri, usini ene ekiduk iriñ.

Gwuñ ogwu Obolo geelek ikweeñ ubọk ikwaañ
igbalek ikpa ke mōsibi oruru inyi ọmọ mgbo
òkinu me isi.

Amakiri F. Zacchariah

Ataisi, Ogwu Akọ̀n

Îkwań ebi ife ge ìluk me usaba okwaań. Gwuń ge ekigwen Ataisi ìluk si me ama ya. Ogwu ute mè ogwu uga ekitap gwuń ya me uwu ikpa. Me mgbọ gwuń ya osibe uwu ikpa ya isańa, itutumu inyi ogwu ute mè ogwu uga ibe, ke ikwaań ọmọ obosi ìbore ikwaań akọ̀n. Ebi uwu kibań ebebe Ataisi isi isi ikwaań me uwu ugwuń. Ataisi obebe ke ọmọ kpôsi ikwaań geege mè ire ebi ibe ọmọ ikasi akọ̀n.

Mgbọ Ataisi ikachieekbe, ogwu uga mè ogwu ute eneninyi ọmọ ikpoko ibe isa ikpe uji isi ama ere ìbosi igọ̀k ibene ikweeń akọ̀n. Ataisi obọ̀bọ̀kọ ikpoko ya mè inańa. Îkweek me ere akọ̀n ya iso acha, mè isibi inibene ikwaań akọ̀n ya. Eyi orere inu Ataisi okiweek me ugwem kań.

Ataisi îsi ikwaañ akõñ ya acha iba. Òso acha ita
esosook Ataisi ikpañ. Inañã me lek keya, ogwu uga



mè ogwu ute ebeben ugwuñ òkikpañ ene inwọ, mè ikwaañ.

Nsabọn, ikisiki ibot inyi nga kinyi mè nte kinyi.

Ikpe I. George

Kween Ubok Ekitet Iriñ

Sabum owu mônisibi otu uji mbom eyi kwuñ, owu môdasi ikaañ urañ, mè ikaañ si ewop. Sabum owu mônikaañ uji, owu môkaañ si njin.

Ire enyi ibesi njin me ikakwuñ, enyi mêdasi isitap njin me uji me atasuk. Enyi isitap njin isaña me uji, enyi mêfo uwu. Muñ isibaak ikem mè ìre isita ikem, enyi mêneniteeñ urañ, mè imonon ewop, mè agok itap me emen okwun, mè iben isibi atasuk isitap me emen uji.

Isitap njin isaña, enyi mêbebene ikikop isibi ikiniñ okwaañ. Enyi isire okwaañ, mè enyi isimuñ iriñ, enyi mêbebene ikito njin. Enyi isito njin isaña; njin ya isikup ifiñ, enyi mênenitaba njin ya mè ikiwaka iriñ.

Enyi isifo ire uwu kinyi, ogwu nte uji mônenimonon iriñ inyi esa etem usuñ, mè inyam echi òsisik.

Mônwọn ibe aya gwuñ ònu inyọñ ikweeñ ubọk ekisi mbọm.

Atagwuñ Ataisi Zacchariah

Erieeñ Usem Obolo

Erieeñ kechi ìre erieeñ usem Obolo:

- | | |
|-------------------------|-------------------------|
| 1. Inwọn | 11. Ukpatu |
| 2. Itoñ | 12. Ire ekene ke igbe |
| 3. Mkpa ofieek | 13. Gwuñ igbe emi |
| 4. Ene igak ikpoko | 14. Awaji esuuk |
| 5. Awaji rọ so | 15. Unye Awaji |
| 6. Awaji ibem emi | 16. Awaji to emi nsan |
| 7. Awaji nloke | 17. Ubelejit |
| 8. Adasi | 18. Kato emi mba |
| 9. Nsan Awaji | 19. Mkpọ linyoñ ìkakita |
| 10. Nsa Awaji ikat ejit | 20. Atagwuñ |

Ogbogbo erieeñ ọmọ ôwa. Ire, ufaalek kiji ìre, ikaań echi orioońbe ige, riooń tumu. Ikaań echi orioońbe itumu, riooń ge. Mônwon si ibe ebi Obolo ekesańa erieeñ nsabon kibań me usem Obolo.

Erieeñ anam òkup me ama mè oron ire echi:

- | | |
|-------------|----------------|
| 1. Egbe | 8. Ulu |
| 2. Nriok | 9. Okodi |
| 3. Ato | 10. Ikpi |
| 4. Nchi | 11. Ogaan |
| 5. Mkpinyon | 12. Ùkò |
| 6. Ibo | 13. Egbe ìkìkò |
| 7. Unon | 14. Eniin |
| 15. Asawo | 16. Ifa |

Echi ire erieen usini anam. Sa sntiik keyi kween mè riwon ibe ke ikare emi gaalek ke erieen chi ogbe iroriwon. Gwuñ uwu ikpa ogbo na, eyi keyi ikup isa inyi owu melek na kubok ifana.

Obolo nton enyi. Ikachieek ibe Ida Obolo Eyi Nsabon ichep. Enyi miniro enenen.

Eyiña Sokari

Ifit Alom


Ifit Alom ìre ifit ebibaañ ekifit. Ema ekikọt okwa usem Obolo. Ebi geelek ibeniñ mēsi lek ogwu ibot ifit yi isitap erieeñ kibañ. Isibefit ifit yi, otutuuk ene mētap ofonti okuket, melek ekwut ekigwen Jooji. Ebi ikikwak okwa mēkup me agba ikigbañ mē ikikwak okwa.

Mgbọ ene ge isisaña okwa, ebibilọ mīra ibọkọ otu. Ogwu okije me isi mōwuwut otita òkup me ubọk kañ, otutuuk ene mēbebene ikije mē ikijop okwa ya. Ogwu isi ifit ya mē ogwu melek kañ mēsisibi isi ijop ukot ifit ya ijeeñ ema, otutuuk ebi ifit ya mēsisibi isi ijop.

Isijop isaña, ogwu isi môwuwut otita kañ, mêfefieek
eyi keya, mè ikọt ofifi.

Ikeya ke ema ekifit Ifit Alòm kibañ. Ike ekisa ijop,
mè ikikọt, mè ikwak okwa ifit yi, melek ike ema ekisa
ibala lek kibañ okineme emi ichit. Ire nsimin, mâsi
igọk iniñ ifit yi.

Dorathy Lucky



Eji Efit Ifit 1

a 1	b 2	ch 3	d 4	e 5	f 6	g 7	gb 8	gw 9	i 10
j 11	k 12	kp 13	kw 14	l 15	m 16	n 17	n̄ 18	nw 19	ny 20
o 21	ȯ 22	p 23	r 24	s 25	t 26	u 27	w 28	y 29	/

Sa Eyi Kween:

ada	mijat	=	1	4	1		16	10	11	1	26
21	26	27		10	15	5	=	otu	ile		

Ge echi nu:

1. Uga mitop =
2. Ifit yi mitop =
3. 21, 19, 22, /, 5, 2, 5 =
4. 27, 11, 22, 18, 22, /, 5, 2, 5, 12 =

5. $1, 26, 1, /, 9, 27, 18 =$

6. $27, 17, 22, 17, /, 16, 8, 22, /, 10, 2, 21, 26 =$

Etim Ngwañ iba

Îkaañ usen ge nte ña melek ngwañ ña ge esibe mbom. Ema mîtet owuwa iriñ. Usen ya emi nnenisi inyam iriñ cha. Nnyam iriñ cha iso efit Nara. Nte ña onenimono usini ikpoko me lek inyi emi ibe emi ñsa ñsi ñlep ikpa, melek uti ikpa, melek inu idut ngwugwat. Nsisi, mè ilep.


Egwe oneniwele. Nte ña onenibe mè emi ñsi ñgele uji. Nnenikije ibasi igele uji ya, Atagwuñ, ngwañ ña ogogook emi isibi atasuk. Îgook emi ire lek uji. Mgbọ eji erebe lek uji, eji emumuñ uka gê me emen uji ya. Eji emomono mè isiwop. Nnenibe mè Atagwuñ ifaña eyi ña inyi emi. Ìkachieek. Ejit onanaañ emi. Nkariqon inu mbaro inyi inaan Atagwuñ, eya oro ntitiik ibe, ke ukot kañ ijono kubok ukot ato. Omo onanaañ ejit mè isa akpo igon emi me ibot. Oo! Etim obebene. Etim ya inye-o. Kpunu ogwu otetet eji abayaage inire mgbọ nte ña okinaña me inyon isibi

ibosi ine ifin, m̀e inimuñ eji ekitim. Imoṃoṃo uti isa
isulu emi m̀e Atagwuñ. Eji ekekito ito, m̀e ije ifo
uwu.

Ebi ngwañ ña, ikakifeeñ ngwañ kinyi. Ìkikpa
uyoroḷek kinyi geelek inyi ebi ugane me uwu.

G. M. Ebiriceñ-Agana

Ebek ile



Îkaań enerieeń ge ekigwen Eru. Ọmọ gaalek oluk, mề ikisa otiń ekwe ikitem usuń. Eru isiborie inu, ìkidasi igwook miiń me ijọń, mề okotaka ejeek, sabum onorie. Ìkirie otiń usuń ge mề alala

gari ita me akpat edim yaage. Sabum ibonańa ikeke, mônwo ọjot ekpeń mudim ita.

Me ewelegwe usen ge ogwu enerieeń yi obonirie inorie kań ubọk ikirie, esese inu ge orọrọ. Îmen adasi ebek, itataań me ebek gburoọk. Ọso ebek iba otataań me ebek yọọii. Ọso ebek ita otataań tasaai.

Eru obebe ke ikare ikeya ke inorie okitaañ me ebek kañ me mgbo ọmọ isikirie inorie kañ, mè ibene ikifieek owot, mè ikikeek esese esese inu. Ikekikeek ibe ke ọmọ monikwu, mè ibene ikineñe inyọñ mkpilaak kañ isuñ, mè ikito ito. Me mgbo ikito ito, ujat ujat okpukpuk eje onanaña me chieeñ kañ irọñ me ijọñ ke...bèk. Ikekigọkọ esese esese inu, mè ikine akukọk, mè ikigak ene iweek.

Eru obebe, “Kpañasi emi mariebe ugwem ña me otu sabum ìbakwu, mânwọ ugwuñ ikpañ lek ña.” Ininiñ emen agwut kañ mè iben ugwuñ inwọ mè ilaak me inyọñ mkpilaak kañ, mè ikwu.

Ekekpo Jetford Odonna

Ofia Ìkakin yi Ene Gwuñ

Sakpii! Yoo!

Inyoon mè ijoon oninaña ikup. Ogwu enenwaan ge oneninaña ikup. Ogwu enenwaan yi ikakaan gwuñ geege. Omoo gaalek oluk. Iboon uwu kañ me oniiñ ere anam ile, eniiñ mè ogaan ekiraka isi ewe. Enenwaan yi iniñ ugane, ire, ikekisi ewe.

Usen ge, ogwu enenwaan yi osisi lek ogwu ofia ge, mè ibe mè ogwu iron inyi omoo ikakaan gwuñ. Ogwu ofia obebe mè ogwu ilep eboon, mè uruk, mè miiñ, mè alaga, mè owuwa inu ebi ofia ekisa igwa ngwugwa isa inu.

Ikeyi ke ogwu enenwaañ yi osilep otutuuk inu cha, mè itap si ikpoko emen akpan, mè isa ijjet ogwu ofia ya. Ogwu ofia oboboko otutuuk inu cha me ubok ogwu enenwaañ yi, mè ibe ke ọmọ kpôkọt irọ; ke ofia ìkakin yi ene gwuñ; ke îre Awaji gaalek okinyi ene gwuñ, mè ogwu isi uwu Awaji, ke Awaji môrọ inyi ogwu ikaañ gwuñ.

Ogwu enenwaañ yi obebene ikito ito mè ibe “Jei! Awaji ña, ikpoko mè otutuuk inu nlepbe ichep isaña kpai! Jei! Jei! Emi mbaniroro?” Ogwu enenwaañ yi itoto ito isaña, inenitumu ifieek me ugwem kañ ibe ke ọmọ kpôyaka igwa ngwugwa geege ke ọmọ ìbokiriaak Awaji gaalek. Sakpii! Yọọ!

Zalmon Ebirieñ Zalmon



Egbe îkaań Nwa

Sakpii! Yoo!

Ama ge oninanā ikup. Ute melek uga eneninaña ikaań ibot nsabon ita. Ema ene ita cha ebibaań ebibaań. Ene ge me lek kibań ore ogwu adasi. Ebi ene mînu ibenido ogwu adasi ya me lek nwa. Ogwu adasi ya ikachieek ibe edo omọ. Ogwu ute melek ogwu uga kpebelejit me lek.

Usen ge, Egbe ogogook ino etip ogwu enenwaań ya. Egbe onanaań ejit, mē isibeek inu ibosa ibala lek. Ibabala lek isaña, ininiń emen uji, mē ibene ikikop isi ama ya. Me mgbo ikikop uji ya igbet ama ya, ogwu enenwaań ya obebe ke ogwu obodo omọ ore ogwulo òkinu. Ìkarioon ibe ke ogwu òkinu ya ire Egbe.

Ogwu uga melek ogwu ute enenibe, “Mgbo owu obe ke ogwu obodo owu ore ogwulo òkinu, owu kpoloro

ibabat. Mgbọ Egbe okọpbe itap me ijọñ mè isibi, ogwu uga mè ogwu ute ebebe mè Egbe isa ogwu nwa ifo, mè ikanyi ema ikpoko geege. Egbe osasa me ike ya mè ikaań nwa, mè isa ogwu enenwaań ya ifo me ikike.

Me mgbọ Egbe okika ama kań, ebi ìkaań ọfọnti, mè ekwut, mè uji, mè inu geelek isabe isi ama nwa ya ebọbọkọ isańa. Ogwu enenwaań yi omumuń ibe ke Egbe ìkakań inu geege. Iyọt ubọk ìbosa igwu ikom ifo ama kibań. Eya orọ ogwu enenwaań ya melek Egbe ekakana olọm mè nwa, mije ire ogwu enenwaań ya iweek ililibi, Egbe môchim ikpań.

Sakpii! Yọọ!

Enenwaań geelek òbobat olom igwuuń chieeń me ijọñ.

Sunday Iringere





Ifuk Mgbọ

Mgbọ	- time
òfuk mgbọ	- clock
nkikek mgbọ	- minute
Mbubak mgbọ	- hour
akọp nkikek gweregwen	- 60 minutes
mbubak mgbọ ge	- 1 hour
akọp mbubak mgbọ iba mè ini	- 1 day

Aya Ifuk

Ofok	0
ge	1
iba	2
ita	3
ini	4
go	5
gweregwen	6
jaaba	7
jeeta	8

onaañge	9
akop	10
efit	100
obop	1000
efie	1,000,000
ego	1,000,000,000
ngwugwu	1,000,000,000,000

Eji Efit Ikit 2

Ge Erieeñ

